

# KOMMUNIKAMMA



## **TEKS vir die WEEK:**

Romeine 15:13. "Mag God, die bron van hoop, julle deur julle geloof met alle vreugde en vrede vervul, sodat julle hoop al hoe sterker kan word deur die krag van die Heilige Gees."

## **SAKE vir GEBED:**

- Bid vir Joan Crous en Lizelle Geldenhuys wat nog behandeling ontvang.
- Dra vir Philip Kapp en sy vrou Felicity aan die Here op. Hy was in die hospitaal.
- Bid vir Tina van der Merwe wat met haar gesondheid sukkel.
- Yolandi le Roux het 'n knieervang operasie ondergaan.
- Bid vir almal wat tuis aansterk en die wat deur familie verpleeg word.
- Ons dink aan almal wat nou vraestelle nasien. Vra vir onderskeidingsvermoë en helderheid.
- Bid vir Kleinskool. Ons vra dat die Here die werk wat daar gedoen word sal seën.
- Bid vir al ons sendelinge en sendingdingprojekte. Ons glo dat die Here die werk in besonder sal seën. Ons bid vir Gerrit en Janine Coetzee wat na Egipte vertrek. Bid vir hul gesondheid, krag en wysheid.
- Ons dra MTR Smit kinderhuis se kinders en personeel aan die Here op en vra dat die beplanning vir 2020 geseënd sal wees.
- Die droogte is werklik verskriklik erg in baie gebiede in ons land. Ons pleit dat ons Heer genade sal betoon en mildelike reën sal stuur waar dit so broodnodig is.
- ***Loof en prys die Here vir nuwe gelowiges in Oman en bid saam sodat hulle met vrymoedigheid as Sy kinders kan lewe.***

## **KERKRAADSLEDE VERKIES**

Ouderling Skakeling: Niekie Oosthuizen  
Ouderling Kleingroepe: Elizma Harmse  
Ouderling Blok BA: Johan Harmse  
Diaken Blok GC: Gaynor Swanepoel.

# SONDAG 1 DESEMBER 2019

## **09:00 Gesamentlike eietydse diens**

Baie geluk aan Jaco en Selma Morgan met die doop van hul dogtertjie, Mila.

## **Deurdankoffer vir Arbeidsbedieninge**

---

## **MAANDAG 2 DESEMBER**

**09:30** Kerssangdiens KJU.

## **DINSDAG 3 DESEMBER**

**10:00** Kerssangdiens Stella Londt.

## **DIENSTE GEDURENDE DIE VAKANSIE**

Al die eredienste gedurende die vakansie is **09:00**.

**Op Kersdag 25 Des** is daar om **09:00** 'n diens en **Op Jaarsdag 31 Des** om **18:30**.

## **KANTOORURE TYDENS DESEMBER VAKANSIE**

**Die kerkkantoor is slegs oop tussen 09:00 en 10:00 uur Dinsdag tot Vrydag gedurende die Desember vakansie.**

**Die kantoor is toe vanaf 25 Desember en open 6 Januarie 2020.**

## **TIENDEMAAND DANKOFFER**

Die tiendemaand dankoffer is nog 'n geleentheid om uit dankbaarheid die Here te dien. Ons inkomste vir die Tiendemaand dankoffer is **R159510.00**.

Baie dankie vir elkeen se bydrae. Ons benodig nog heelwat om by ons begrote bedrag van **R260 000-00** uit te kom.

Maak asseblief die saak biddend met die Here uit. Hoe dankbaar is jy?

## **HARDNEKKIGE FOPNUUS OOR DIE DIREKTE BYBELVERTALING**

'n Strooiboodskap op Whatsapp doen nou weer die rondte dat die direkte Bybelvertaling wat in 2020 bekend gestel word, nie die Godname in hoofletters skryf nie.

Ds Hein Barnard van die Bybelgenootskap in Port Elizabeth sê dat dit 'n blatante leuen is. Hy skryf: Na aanleiding van die fopnuus wat die rondte doen en gelowiges bombardeer met gerugte, kan die inligting by: [bybeldirektevertaling.co.za](http://bybeldirektevertaling.co.za) vir alle gelowiges van groot waarde wees.

## **BYBELBOEKIES VIR JONG KINDERS BY DIE BYBELGENOOTSAP**

Die Bybelgenootskap laat weet: Ons het onlangs die derde boek in ons reeks van Bybelgebaseerde geleterdheidsboekies vir jong kinders bekend gestel. My 3de Bybel Doen en Leer Boek bestaan uit ses Bybelstories met kleurrike illustrasies (112 bladsye) en die eerste storie is die geboorte van Jesus. Dit is dus 'n ideale Kersgeskenk om jong kinders te leer waarom

ons hierdie spesiale tyd van die jaar vier. Elkeen van die stories word deur wiskunde- en taalaktiwiteite gevolg wat op die stories van toepassing is. Die boek bevat ook verskeie lyntekeninge wat ingekleur kan word. Boekies kan aanlyn bestel word.

**Aandag al die vroue .....**

**Ons soek asb vroue wat kan help om 'n Via funksie (damesoggend )te reel vir vroeg in volgende jaar!**

**Kontak vir Dossie (082 957 6084) of Roenel (083 388 5357) as jy kan help.**

**OOS-KAAPLANDSE DROOGTERAMPFONDS**

Die Sinodale Kommissie het vandeeweek 'n droogterampfonds gestig. Hulp sal verleen word aan dorpe en boerdery-gemeenskappe wat deur die voortslepende droogte geteister word. Gemeentes en ander donateurs word versoek om bydrae in die volgende rekening in te betaal: NG Kerk Oos-Kaapland, ABSA, 290 581 192, tjekrekening. Merk alle bydraes met die verwysing: droogteramp – slegs donasies wat met hierdie verwysing gemerk word, kan erken word.

Donateurs wat hul bydraes vir spesifieke gemeenskappe wil oormerk kan, wanneer die inbetaling gemaak word, 'n e-pos rig aan me Chantall Vermaak by sinode@ngkok.co.za.

**NG KERK PATMOS 6 DESEMBER**

Kom deel in 'n aand met **Kersfeesklanke en Koos Dup Jannie du Toit** (stem en kitaar) tree saam met **Susan Mouton** (tjello) en **Chanie Jonker** (klavier en akkordeon) op.

**Tyd:** 18:30

**Plek:** Patmos, Kaapweg 79.

**Koste:** R100 per persoon.

**Vrugtekoek en sjerrie ingesluit.**

**Kaartjies te koop by Elizna 083 258 9860, Leana 083 567 3133 of Kerkkantoor Kraggakkamma. Daar word asb mense benodig wat in die klassieke diens sal help met opneem en tel van dankoffers. Musiekbediening in eietydse diens soek mense wat kan help met klank, data, sing en speel van instrumente.**

**KLEINSKOOL INISIATIEF**

Ons beplan om in 2020 gevestigde huiskerke te bemagtig met opleiding vir kinderbediening en om goeie materiaal aan hulle te verskaf. Ons is in gesprek met die kinderbediening van EE3 in PE en is gereed om die eerste twaalf voornemende studente met die **Hoop vir Kinders** -program te bemagtig. Die koste van een persoon se opleiding beloop meer as R250. Indien

die Here dit op u hart lê, vra ons bydraes om ten minste die eerste twaalf studente te borg. Bo en behalwe die onkoste het ons nog twee matriekleerders wat leerlingraad baadjies benodig en op leerlingraad kampe moet gaan.

Ek vra dat Kraggakkamma lidmate hierdie nuwe saak in gebed sal opdra. Ek is egter in my hart oortuig dat dit die pad is wat die Here met Kleinskool wil loop.

**Margita Marx 082 337 4336.**


**KONTAKKAART**

'n Groen kontakkaart waarop jy jou besonderhede kan aandui as jy 'n nuwe intrekker is, iemand in die gemeente wat siek is kan aanmeld, 'n afspraak met 'n leraar kan maak, voorbidding versoek, 'n wenk aan die hand kan doen of by die gemeente se dienswerk kan betrokke raak, is in die voorportaal beskikbaar. Vul asseblief jou besonderhede op die kaart in en gooi dit in die bussie wat ook in die voorportaal is.

Teken gerus in op ons e-nuusbrief by:

[kuberkamma@ngkraggakkamma.co.za](mailto:kuberkamma@ngkraggakkamma.co.za)

**VERBETERINGSFONDS**



Hier is 'n barometer wat die doelwit voorstel om die lening van R 600 000 terug te betaal. Die lening is aangegaan om die verbetering in die kerkgebou aan te gaan. Tans is daar R 86 715 ontvang vir die projek. Indien die Here dit op jou hart druk en jy 'n donasie wil maak, merk dit asb. duidelik vir die verbeteringsfonds.

*Ons wens almal 'n welverdiende rustyd toe en baie seën vir Kersfees en 2020.*



Gebruik SnapScan en betaal jou:  
Dankoffer  
Maandelikse Bydrae  
Donasie, ens..